

*Tomislavgrad, 05.04.2017. god.
Broj: 244/17*

**ZAPISNIK I ZAKLJUČCI SA ŠESNAESTE
SJEDNICE PREDSDJEDNIŠTVA SKUPŠTINE SAVEZA OPĆINA I GRADOVA
FEDERACIJE BOSNE I HERCEGOVINE**

Dana 05.04.2017. godine u Općini Tomislavgrad je održana Šesnaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Saveza).

Sjednici Predsjedništva Saveza su prisustvovali:

1. **Zikrija Duraković**, načelnik Općine Bužim;
2. **Ivan Vukadin**, načelnik Općine Tomislavgrad;
3. **Muhamed Ramović**, načelnik Općine Goražde;
4. **Srećko Mikulić**, Općina Grude, po ovlaštenju načelnika;
5. **Edin Šabanović**, Općina Busovača, po ovlaštenju načelnika;
6. **Husein Hodžić**, Općina Konjic, po ovlaštenju načelnika;
7. **Nedžad Ramić**, Općina Konjic, po ovlaštenju načelnika;
8. **Općina Kalesija** – dala saglasnost po svim tačkama.

Pored navedenih, sjednici su prisustvovali i: **Nedim Memić**, konsultant, **Vesna Travljanin**, direktor Saveza, **Zlata Turkić**, viši saradnik za rad sa skupštinskim komisijama i institucijama vlasti, **Šejla Hasić**, viši saradnik za projekte – projekt menadžer, **Adi Imamović**, saradnik za lokalnu samoupravu i **Selma Fišek**, viši saradnik za pravna pitanja.

Ivan Vukadin je, u svojstvu predsjedavajućeg sjednice, pozdravio prisutne i otvorio Šesnaestu sjednicu Predsjedništva Saveza. Predložio je Dnevni red sjednice kako slijedi:

1. Zapisnik i zaključci sa Petnaeste sjednice Predsjedništva Skupštine Saveza općina i gradova Federacije BiH
2. Zapisnik sa sjednice Nadzornog odbora Saveza

2.1. Izvještaj o izvršenju Finansijskog plana Saveza za 2016. godinu

2.2. Prijedlog Finansijskog plana Saveza za 2017. godinu

Izvjestilac: Admir Hadžiemrić, predsjednik Nadzornog odbora

3. Odluka o sazivanju Izborne skupštine Saveza u skladu sa članom 27. Statuta Saveza općina i gradova Federacije BiH („Službene novine FBiH“, br. 29/08)

3.1. Zapisnik sa sjednice Komisije za izbor i imenovanja

Izvjestilac: Nusret Helić, predsjednik Komisije za izbor i imenovanja

3.2. Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina

3.3. Izvještaj o radu direktora Saveza općina i gradova Federacije BiH

Izvjestilac: Vesna Travljanin, direktor Saveza

4. Informacije:

4.1. Informacija sa sastanka delegacije Saveza sa premijerom Federacije Bosne i Hercegovine

Izvjestilac: Zlata Turkić, viši saradnik za rad sa skupštinskom komisijama i institucijama vlasti

4.2. Informacija o daljim aktivnostima Saveza vezanim za postupak po tužbi Saveza općina i gradova Federacije BiH protiv Federacije BiH

Izvjestilac: Vesna Travljanin, direktor Saveza

4.3. Informacija sa sastanka predstavnika Saveza sa Federalnim ministrom poljoprivrede, vodoprivrede i šumarstva

Izvjestilac: Zlata Turkić, viši saradnik za rad sa skupštinskom komisijama i institucijama vlasti

4.4. Informacija sa sjednice Komisije za lokalnu samoupravu Predstavničkog doma Parlamenta Federacije BiH

Izvjestilac: Zlata Turkić, viši saradnik za rad sa skupštinskom komisijama i institucijama vlasti

4.5. Informacija sa konsultativnog sastanka na temu izmjena Ustava Kantona Sarajevo i Zakona o lokalnoj samoupravi Kantona Sarajevo

Izvjestilac: Selma Fišek, viši saradnik za pravna pitanja

4.6. Informacija o aktivnostima u okviru Sistema obuke za jedinice lokalne samouprave

4.7. Informacija o sastanku predstavnika Saveza za predstavnicima Evropske unije

Izvjestilac: Vesna Travljanin, direktor Saveza

4.8. Upoznavanje članova Predsjedništva Saveza sa Inicijativom Grada Tuzla sa izmjene Ustava Federacije BiH i dalji koraci

5. Tekuća pitanja

5.1. Učešće u projektu uspostave regionalne Platforme za prikupljanje parametara pokazatelja stanja vodovodnih preduzeća

Predsjedništvo Saveza je jednoglasno usvojilo predloženi Dnevni red.

1. Zapisnik i zaključci sa Petnaeste sjednice Predsjedništva Skupštine Saveza općina i gradova Federacije BiH

Predsjedništvo Saveza je jednoglasno usvojilo Zapisnik i zaključke sa Petnaeste sjednice Predsjedništva Skupštine Saveza općina i gradova Federacije BiH.

2. Zapisnik sa sjednice Nadzornog odbora Saveza

2.1. Izvještaj o izvršenju Finansijskog plana Saveza za 2016. godinu

2.2. Prijedlog Finansijskog plana Saveza za 2017. godinu

Admir Hadžiemrić je izvijestio Predsjedništvo Saveza da je održana sjednica Nadzornog odbora na kojoj su po prvi put bili prisutni svi članovi. Istakao je da su članovi Nadzornog odbora razmatrali Izvještaj o izvršenju Finansijskog plana Saveza za 2016. godinu i Prijedlog Finansijskog plana Saveza za 2017. godinu. Naglasio je da i dalje postoji problem naplate članskog doprinosa koji je za 2016. godinu iznosio 67% ukupne naplate i da to nije zadovoljavajući procenat. Istakao je da je zaključak Nadzornog odbora Saveza da sugeriše Predsjedništvu da se sudskim putem potražuje dug po osnovu članskog doprinosa zbog toga što dolazi do zastare potraživanja. Dalje je naveo da je ovo neozbiljan odnos od strane onih članica Saveza koje ne izmiruju svoje članske obaveze. Smatra da se od Saveza mogu tražiti određeni rezultati onda kada sve članice Saveza budu izmirivale članski doprinos. Istakao je da menadžment Saveza, zbog nedovoljne uplate članarina, mora kroz razne projekte dopunjavati nedostatak u budžetu što predstavlja veliku teškoću. Rekao je da je upitno ostvarenje Finansijskog plana za 2017. godinu ukoliko se predviđeni projekti ne budu realizirali, te da članarina

predstavlja najčvršći izvor prihoda Saveza.

Ivan Vukadin je otvorio raspravu.

Zikrija Duraković je pozdravio prisutne. Istakao je da je Izvještaj koji je prezentirao predsjednik Nadzornog odbora prihvatljiv. Smatra da je prijedlog da se krene u sudsko potraživanje dobar, ali s obzirom da je ovo zadnja sjednica Predsjedništva u ovom sazivu, misli da bi to pitanje trebalo ostaviti novom sazivu Predsjedništva.

Ivan Vukadin takođe smatra da bi se to pitanje trebalo ostaviti za novi saziv Predsjedništva i mišljenja je da ako su se općine odlučile biti članovi Saveza, onda to trebaju i poštovati.

Muhamed Ramović je predložio da se svim članicama Saveza koje ne uplaćuju redovno članski doprinos, uputi dopis u skladu sa zaključkom Predsjedništva sa zahtjevom da izmire dugovanja za 2015. i 2016. godinu.

Ivan Vukadin je predložio da se i za sjednicu Izborne skupštine Saveza pripremi tačka u vezi sa uplatom članskog doprinosa Savezu.

Admir Hadžiemrić je naglasio da svi u općinama imaju neke sudske postupke u kojima se utvrđuju određena prava i obaveze i da se oko toga niko ne treba ljutiti. Konstatuje da ako su članice Saveza prihvatile da budu u Savezu, onda moraju uplaćivati članski doprinos. Ističe da ako to ne gledamo na taj način, onda imamo problem funkcionisanja institucija u kojima se nalazimo. Smatra da je potrebno ići sa utuženjem duga iz 2014. i 2015. godine. Naglasio je da općine preko Saveza tuže Federaciju BiH zbog duga, a da same ne plaćaju članarinu Savezu.

Ivan Vukadin je naveo da živimo u državi gdje znamo za svoja prava, a zaboravljamo na naše obaveze.

Muhamed Ramović je izrazio svoje neslaganje sa Admirom Hadžiemrićem iz razloga što je Savez dobrovoljno udruženje i da zbog toga ne treba sudskim putem tražiti izmirenje obaveza članica.

Zikrija Duraković je naveo da se članarina svakako treba plaćati.

Vesna Travljanin je pozdravila sve prisutne. Istakla je da nema šta dodati na izlaganje Admira Hadžiemrića i zahvalila mu se na saradnji u radu. Naglasila je da Savez nikada nije tužio članice zbog neplaćanja članskog doprinosa, ali da je na posljednjoj sjednici Nadzornog odbora razmatrana i ta mogućnost. Naglasila je da je pristupanje u članstvo Saveza dobrovoljno, ali da je uplata članarina obavezna. Istakla je da procenat uplate članarine od 67% nije dovoljan za rad Saveza jer se aktivnosti u budžetu planiraju na bazi 100% uplate članarine i naglasila da ne insistira da se ide prema Skupštini u vezi sa ovim.

Admir Hadžiemrić je naveo da bi volio da se izbací analitika za ovih 67% u odnosu na prethodni period i da se vidi jesu li člananarinu uplaćivale male ili veće općine. Dodao je da u biti nije uplaćeno ni 40% članskog doprinosa za 2016. godinu i da bi se to trebalo prezentirati na Skupštini Saveza.

Predsjedništvo Saveza je jednoglasno usvojilo Zapisnik sa sjednice Nadzornog odbora Saveza, Izvještaj o izvršenju Finansijskog plana Saveza za 2016. godinu, i Prijedlog Finansijskog plana Saveza za 2017. godinu uz zaključak da se za sjednicu Izborne skupštine Saveza, kao jedna od tačaka dnevnog reda, pripremi pitanje uplate članskog doprinosa Savezu i da se apeluje na članice Saveza da izmire svoja dugovanja.

3. Odluka o sazivanju Izborne skupštine Saveza u skladu sa članom 27. Statuta Saveza općina i gradova Federacije BiH („Službene novine FBiH“, br. 29/08)

3.1. Zapisnik sa sjednice Komisije za izbor i imenovanja

3.2. Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina

3.3 Izvještaj o radu direktora Saveza općina i gradova Federacije BiH

Vesna Travljanin je informisala članove Predsjedništva da predlaže, u dogovoru sa zamjenikom predsjedavajućeg Skupštine Saveza, da se Izborna skupština Saveza održi 05.05.2017. godine u Čapljini, a da dan prije Skupštine bude sjednica Predsjedništva Saveza na kojoj se trebaju utvrditi materijali za Skupštinu. Predložila je da se uz ovu tačku objedini Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina i Izvještaj o radu direktora Saveza općina i gradova Federacije BiH.

Predsjedništvo Saveza je u skladu sa članom 27. Statuta Saveza općina i gradova Federacije BiH („Službene novine FBiH“, br. 29/08) donijelo Odluku o sazivanju Izborne skupštine Saveza koja će se održati 05.05.2017. godine u Čapljini.

3.1. Zapisnik sa sjednice Komisije za izbor i imenovanja

Šerif Kaljiković, ispred Komisije za izbor i imenovanja, je istakao da su prijedlozi kandidata za

organe i tijela Skupštine Saveza iz nekih kantona stigli ranije, a da je u nekim kantonima taj proces tekao sporije. Naglasio je da se Komisija opredijelila za prijedloge kandidata na onim pozicijama gdje je bilo više predloženih kandidata. Naveo je da su za poziciju predsjedavajućeg, odnosno zamjenika predsjedavajućeg Skupštine Saveza, stigli prijedlozi iz:

- Srednjobosanskog kantona - Admir Hadžiemrić, načelnik Općine Travnik za predsjedavajućeg/zamjenika predsjedavajućeg Skupštine Saveza,
- Tuzlanskog kantona - Jasmin Imamović, gradonačelnik Grada Tuzla, za predsjedavajućeg Skupštine Saveza,
- Unsko-sanskog kantona - Faris Hasanbegović, načelnik Općine Sanski Most za predsjedavajućeg/zamjenika predsjedavajućeg Skupštine Saveza.

Istakao je da je stav Komisije bio da bi trebalo uključiti i Hercegovačko-neretvanski kanton. S tim u vezi, Komisija je predložila Jasmina Imamovića, gradonačelnika Grada Tuzla, za predsjedavajućeg Skupštine Saveza, a Smiljana Vidića, načelnika Općine Čapljina za zamjenika predsjedavajućeg Skupštine Saveza.

Šerif Kaljiković je dalje naveo da je Komisija ocijenila da Hamdo Ejubović, načelnik Općine Hadžići, bude predložen za predsjednika Predsjedništva Saveza, a za njegovog zamjenika - Ivan Vukadin, načelnik Općine Tomislavgrad.

Istakao je da su predloženi članovi za Predsjedništvo Saveza kako slijedi:

Kanton Sarajevo - Nedžad Ajnadžić, načelnik Općine Centar Sarajevo,
Zeničko-dobojski kanton - Nermin Mandra, načelnik Općine Kakanj,
Zapadno-hercegovački kanton/županija - Branko Bago, načelnik Općine Posušje,
Posavski kanton - Stanko Vincetić, načelnik Općine Orašje,
Bosansko-podrinjski kanton - Muhamed Ramović, načelnik Općine Goražde,
Unsko-sanski kanton - Nermin Ogršević, načelnik Općine Cazin,
Hercegovačko-neretvanski kanton/županija - Marin Radišić, načelnik Općine Čitluk,
Tuzlanski kanton - Tajib Muminović, načelnik Općine Teočak,
Srednjo-bosanski kanton - Edin Hozan, načelnik Općine Jajce,
Hercegbosanska županija/Kanton 10 - Luka Čelan, načelnik Općine Livno,
Grad Sarajevo - Abdulah Skaka, gradonačelnik Grada Sarajeva.

Naveo je da su prijedlozi Komisije za članove Nadzornog odbora Saveza kako slijedi:

Unsko-sanski kanton - Armin Halitović, načelnik Općine Bosanska Krupa, za predsjednika,
Srednjo-bosanski kanton - Mladen Mišurić-Ramljak, načelnik Općine Kiseljak, za člana,
Hercegovačko-neretvanski kanton/županija - Fadil Tatar, Općina Konjic, za člana.

Istakao je da su prijedlozi za skupštinske komisije Saveza navedeni u materijalu koji je dostavljen članovima Predsjedništva, s tim da prijedlog iz Općine Kupres za člana Komisije za imovinska

pitanja, prostorno uređenje, stambeno-komunalne djelatnosti i zaštitu životnog okoliša još nije stigao.

Ivan Vukadin je naglasio da će on razgovarati sa načelnikom Općine Kupres Milanom Raštegorcem u vezi sa ovim.

Šerif Kaljiković je istakao da je Komisija za izbor i imenovanja dala preporuku da se anketiraju predloženi članovi u organe i tijela Skupštine Saveza da li prihvataju kandidaturu.

Ivan Vukadin je otvorio raspravu.

Zikrija Duraković je naglasio da je na sastanku načelnika Unsko-sanskog kantona dogovoreno da se Faris Hasanbegović, načelnik Općine Sanski Most predloži na neku od rukovodećih pozicija u Savezu.

Šerif Kaljiković je obrazložio da je jedini kriterij kojim se Komisija vodila bilo iskustvo u obavljanju načelnike funkcije.

Muhamed Ramović je istakao da Komisija za izbor i imenovanja nije mogla ovako postupiti, a da u načelu nema ništa protiv.

Ivan Vukadin je naveo da posao Komisije za izbor i imenovanje nije jednostavan. Dodao je da Predsjedništvo može usvojiti pomirljiv zaključak kojim prihvata prijedlog Komisije, a da se na Skupštini mogu predložiti i novi kandidati.

- **Predsjedništvo Saveza je prihvatilo Zabilješku Komisije za izbor i imenovanja od 29.03.2017. godine (koja čini sastavni dio Zapisnika) sa prijedlogom kandidata za organe i tijela Skupštine Saveza općina i gradova Federacije BiH, a koja je sačinjena na osnovu prikupljenih prijedloga jedinica lokalne samouprave sa sastanaka održanih u okviru deset kantona u Federaciji BiH, kao i prijedloga Grada Sarajeva.**
- **Prije utvrđivanja konačne liste kandidata, direktor Saveza će obaviti razgovor sa kandidatima koji su predloženi, a nisu ušli u uži izbor Komisije za izbor i imenovanja.**
- **Na sjednici Predsjedništva Saveza koja će se održati 04.05.2017. godine u Čapljini, Predsjedništvo Saveza će utvrditi konačan prijedlog odluke o kandidatima za organe i tijela Skupštine Saveza.**

- **Predsjedništvo Saveza je prihvatilo Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina.**
- **Predsjedništvo Saveza je prihvatilo Izvještaj o radu direktora Saveza općina i gradova Federacije BiH za period maj 2015. – decembar 2016. godina.**

4. Informacije:

4.1. Informacija sa sastanka delegacije Saveza sa premijerom Federacije Bosne i Hercegovine

Zlata Turkić je izvijestila Predsjedništvo da su predstavnici Saveza općina i gradova Federacije BiH 22.02.2017. godine održali sastanak sa premijerom Vlade Federacije BiH. Povod za sastanak su bili Zaključci doneseni na Tematskoj sjednici Saveza držanoj u Travniku 25.01.2017. godine u vezi sa Nacrtom zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća. Istakla je da su na sastanku u Vladi Federacije BiH doneseni sljedeći zaključci:

- **Ponudeni Nacrt izmjena i dopuna Zakona o zaštiti ljudi materijalnih dobara nije u skladu sa Evropskom poveljom i Zakonom o principima lokalne samouprave u FBiH i ne zadovoljava potrebe lokalnih zajednica u ovoj oblasti;**
- **Federalna uprava civilne zaštite i Savez općina i gradova FBiH treba da sačine Nacrt zakona o zaštiti ljudi materijalnih dobara koji će biti prihvatljiv za sve.**

Zlata Turkić je dalje navela da je nakon ovog sastanka, dana 21.03.2017. godine održan sastanak predstavnika Saveza sa predstavnicima Federalne uprave civilne zaštite povodom zaključka sa sastanka održanog dana 22.02.2017. godine između predstavnika Vlade Federacije BiH i Saveza. Sastanak je zakazan na inicijativu Federalne uprave civilne zaštite jer je Kolegij Premijera Federacije BiH zadužio Federalnu upravu i Savez da rade na iznalaženju prihvatljivog rješenja i definiraju moguće izvore stalnog finansiranja, te usaglašen model (obostrano prihvatljivo zakonsko rješenje finansiranja „službi civilne zaštite“) predlože Vladi Federacije BiH. Na ovom sastanku su usvojeni sljedeći zaključci:

- **Radna grupa za izradu Prednacrt zakona o zaštiti i spašavanju ljudi i materijalnih dobara (imenovana Rješenjem Vlade Federacije BiH) u okviru poglavlja koji se odnosi na finansiranje zaštite i spašavanja, obuhvatiće sredstva posebne naknade, odnosno odredbe utvrđene Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ br. 39/03, 22/06 i 43/10) po pitanju finansiranja zaštite i spašavanja,**
- **Obavezuje se Federalna uprava civilne zaštite da, nakon što Radna grupa imenovana Rješenjem Vlade Federacije BiH, u tekst Prednacrt Zakona ugradi odredbe o finansiranju iz tačke 1. ovih zaključaka, Prednacrt Zakona dostavi Savezu koji će**

ovaj materijal dostaviti svim jedinicama lokalne samouprave u Federaciji BiH radi očitovanja.

Muhamed Ramović je istakao da je i on bio na sastanku kod premijera Federacije BiH i da nije zadovoljan sa rezultatima sastanka niti sa odnosom federalnog premijera prema samom sastanku. Naglasio je da se mora istrajati u nastojanju da se ne ukine 0,5 % namjenskih sredstava koja pripadaju jedinicama lokalne samouprave za poslove zaštite i spašavanja.

Husein Hodžić je istakao da centri kantona ubiru puno više sredstava jer se porez uplaćuje prema mjestu zaposlenja, a ne prema mjestu prebivališta. Dodao je da drugi problem predstavlja način utroška ovih sredstava, jer se ista mogu koristiti namjenski samo za saniranje posljedica nastalih nakon elementarnih nepogoda. Složio se da treba inisistirati na tome da se ovih 0,5% zadrži.

Ivan Vukadin je naglasio da su vrlo komplikovane i procedure u vezi nabavki sredstava za zaštitu i spašavanje.

Predsjedništvo Saveza je primilo k znanju ovu informaciju.

4.2. Informacija o daljim aktivnostima Saveza vezanim za postupak po tužbi Saveza općina i gradova Federacije BiH protiv Federacije BiH

Vesna Travljanin je hronološki informisala Predsjedništvo o dosadašnjim aktivnostima Saveza vezanim za tužbu Saveza općina i gradova Federacije BiH protiv Federacije BiH u vezi sa otplatom kredita prema Međunarodnom monetarnom fondu. Navela je da je Savez, na prijedlog advokata Danijele Saller-Osenk, angažovao dr. sc. Nedima Memića, konsultanta iz oblasti finansija, da izradi nalaz i mišljenje o pravnoj stvari tužitelja Saveza općina i gradova Federacije BiH protiv tužene Federacije Bosne i Hercegovine.

Nedim Memić je istakao da je angažovan u svojstvu savjetnika da da mišljenje po pitanju Tužbe koju je Savez općina i gradova Federacije BiH podnio protiv Federacije BiH. Naglasio je da se iz navoda tužbe, na način kako je postavljena, ne garantuje dobivanje ovog spora. Dodao je da zakoni na koje se tužba poziva stoje na strani tužene strane jer se raspodjela indirektnih poreza u Federaciji BiH vrši u skladu sa pozitivnim zakonskim propisima, tako da smatra da tužba nema održiv pravni osnov. Pozvao je članove Predsjedništva da mu pomognu sa dodatnom argumentacijom ukoliko je imaju.

Muhamed Ramović je naveo da je Predsjedništvo odlučilo da se ide sa tužbom. Naglasio je da ovdje gube i općine i kantoni i izrazio sigurnost da se spor može dobiti. Sugerisao je da se tužba uredi na način kako je to potrebno.

Nedim Memić je istakao da Sud ne sudi prema pravdi nego prema zakonima. Naglasio je da se, u skladu sa Zakonom o sistemu indirektnog oporezivanja, prvo vrši otplata vanjskog duga.

Zikrija Duraković je naglasio da nije imao prilike pogledati tužbu, ali da mu se nalaz konsultanta čini prihvatljiv. Ističe da shvata da ne postoji održiv pravni osnov tužbe.

Ivan Vukadin je postavio pitanje Nedimu Memiću šta on predlaže, te da li smatra da ima dovoljno vremena do sljedeće sjednice Predsjedništva Saveza, da se iznađe novi pravni osnov tužbe, obzirom da postoji saglasnost Predsjedništva da je ista pogrešno postavljena.

Nedim Memić je odgovorio da u ovom trenutku ne vidi novi pravni osnov, te je dodao da se možda treba ići na sudsku nagodbu.

Spomenuta je i mogućnost apelacije prema Ustavnom sudu.

Predsjedništvo Saveza je zaključilo da konsultant Nedim Memić na sljedećoj sjednici Predsjedništva Saveza koja će se održati 04.05.2017. godine informiše Predsjedništvo o eventualnim novim aktivnostima na iznalaženju pravnog osnova u Tužbi Saveza općina i gradova Federacije BiH protiv Federacije BiH vezano za otplatu kredita prema Međunarodnom monetarnom fondu, te da Predsjedništvo Saveza nakon toga donese konačnu odluku u vezi sa ovim pitanjem.

4.3. Informacija sa sastanka predstavnika Saveza sa Federalnim ministrom poljoprivrede, vodoprivrede i šumarstva

Zlata Turkić je informisala članove Predsjedništva o sastanku predstavnika Saveza sa Federalnim ministrom poljoprivrede, vodoprivrede i šumarstva na temu Zakona o šumama. Istakla je da Savez nije zadovoljan usvojenim Nacrtom zakona o šumama iz razloga što se lokalna zajednica ništa ne pita u pogledu šumskog resursa koji se nalazi na njenom području. Naglasila je da će Savez pratiti da li će u Prijedlogu zakona o šumama biti uvaženi stavovi Saveza koji su dostavljeni federalnom Ministarstvu poljoprivrede, vodoprivrede i šumarstva.

Predsjedništvo Saveza je primilo k znanju ovu informaciju.

4.4. Informacija sa sjednice Komisije za lokalnu samoupravu Predstavničkog doma Parlamenta Federacije BiH

Zlata Turkić je izvijestila Predsjedništvo da su predstavnici Saveza prisustvovali sjednici Komisije za lokalnu samoupravu Predstavničkog doma Parlamenta Federacije BiH na kojoj je, između ostalog, razmatrano i ažuriranje Sporazuma o saradnji između Parlamenta Federacije BiH i Saveza. Istakla je da je u međuvremenu i Vlada Federacije BiH prihvatila da bude jedna od strana ovog Sporazuma tako da je izrađen tripartitni Prijedlog sporazuma o saradnji između Vlade Federacije BiH, Parlamenta Federacije BiH i Saveza općina i gradova Federacije BiH, te da se čeka na njegovo potpisivanje.

Predsjedništvo Saveza je primilo k znanju ovu informaciju.

4.5. Informacija sa konsultativnog sastanka na temu izmjena Ustava Kantona Sarajevo i Zakona o lokalnoj samoupravi Kantona Sarajevo

Selma Fišek je informisala Predsjedništvo da je dana 13.03.2017. godine u Sarajevu, u organizaciji Ministarstva pravde i uprave Kantona Sarajevo i OSCE-a, a uz predsjedavanje premijera Kantona Sarajevo Elmedina Konakovića i ministra pravde i uprave Marija Nenadića, održan sastanak na kojem su prezentirani pripremljeni amandmani na Ustav Kantona Sarajevo i radna verzija Zakona o lokalnoj samoupravi u Kantonu Sarajevo. Istakla je da je i Savez bio jedan od učesnika ovog sastanka na kojem je naglašeno da je cilj sastanka pokrenuti najavljene ustavne reforme, kako bi se lokalna samouprava u Kantonu Sarajevo uredila u skladu sa Evropskom poveljom o lokalnoj samoupravi, Ustavom Federacije BiH, Zakonom o principima lokalne samouprave u Federaciji BiH i sa relevantnim odlukama Ustavnog suda Federacije BiH koje govore o određenim neusklađenostima propisa i povredama prava jedinica lokalne samouprave kada se radi o lokalnoj samoupravi i drugim pitanjima.

Predsjedništvo Saveza je primilo k znanju ovu informaciju.

4.6. Informacija o aktivnostima u okviru Sistema obuke za jedinice lokalne samouprave

Selma Fišek je izvijestila o aktivnostima Saveza u okviru Sistema obuke za jedinice lokalne samouprave unutar kojeg je Savez nadležan za obuku izabраниh zvaničnika. Navela je da je Savez tražio od svih jedinica lokalne samouprave da anketiraju svoje vijećnike o potrebi i spremnosti pohađanja ove obuke, ta da u skladu sa iskazanim interesom planiraju sredstva u budžetu za ove svrhe. Istakla je da je do sada 35 jedinica lokalne samouprave sa 447 prijavljenih vijećnika iskazalo spremnost za obuku, a da se 10 jedinica lokalne samouprave izjasnilo negativno. Dalje je

navela da je Savez objavio Javni poziv za izbor izvođača obuke i stručnog usavršavanja izabranih zvaničnika u jedinicama lokalne samouprave 13.01.2017. godine na koji se prijavilo 12 kandidata. Takođe je informisala da je održan sastanak Koordinacionog tijela za obuku 16.03.2017. godine u Sarajevu na kojem je, na zahtjev Agencije za državnu službu Federacije BiH, usvojen zaključak da se broj članova Koordinacionog tijela za obuku poveća sa dosadašnjih šest (Federalno ministarstvo pravde – 2 člana, Agencija za državnu službu Federacije BiH – 2 člana i Savez – 2 člana) za još dva člana koja će dolaziti iz sjedišta regionalnih lokaliteta Tuzla i Tomislavgrad. Zahtjev je argumentovan potrebom uspostavljanja bolje komunikacije sa tim regionalnim lokalitetima i kadrovskim jačanjem Koordinacionog tijela za obuku.

Predsjedništvo Saveza je primilo k znanju ovu informaciju.

4.7. Informacija o sastanku predstavnika Saveza za predstavnicima Evropske unije

Vesna Travljanin je izvijestila Predsjedništvo da je dana 17.03.2017. godine u prostorijama Evropske unije u Sarajevu održan sastanak predstavnika Saveza općina i gradova Federacije BiH sa Dr. Franz Schausberegger, specijalnim savjetnikom gospodina Johannes Hahna, evropskog komesara za proširenje Evropske unije i gospodinom Matt Field, šefom političkog odjela Evropske unije u Bosni i Hercegovini, a u okviru posjete premijera šest zemalja Zapadnog Balkana Bosni i Hercegovini. Istakla da su ovom sastanku u ime Saveza prisustvovali Semir Efendić, načelnik Općine Novi Grad Sarajevo i Vesna Travljanin, direktorica Saveza.

U toku sastanka razmjenjena su mišljenja i informacije vezane za položaj i funkcionisanje lokalne samouprave u Bosni i Hercegovini iz ugla općina, sa posebnim osvrtom na rad samog Saveza.

Predsjedništvo Saveza je primilo k znanju ovu informaciju.

4.8. Upoznavanje članova Predsjedništva Saveza sa Inicijativom Grada Tuzla sa izmjene Ustava Federacije BiH i dalji koraci

Vesna Travljanin je informisala Predsjedništvo o inicijativi Grada Tuzla, tačnije gradonačelnika Jasmína Imamovića, koja se odnosi na izmjene Ustava Federacije BiH. Navela je da je prijedlog da ovu Inicijativu razmotri Komisija za ustavna i zakonodavna pitanja što je redovna procedura u radu Saveza.

Smiljan Vidić je istakao da se Savez ne treba baviti ovim pitanjem jer to ne spada u njegovu nadležnost.

Ivan Vukadin je naglasio da u biti svaku inicijativu koja dolazi od strane članica Saveza može razmatrati nadležna komisija, ali da se Savez ne treba baviti ovim pitanjem jer je ono preambiciozno. Dodao je da ne podržava ovakvu Inicijativu za izmjene Ustava Federacije BiH.

5. Tekuća pitanja

5.1. Učešće u projektu uspostave regionalne Platforme za prikupljanje parametara pokazatelja stanja vodovodnih preduzeća

Selma Fišek je navela da je Savez na prijedlog Ministarstva spoljne trgovine i ekonomskih odnosa BiH poduzeo aktivnosti na uključenju u projekat „Razvoj platforme za prikupljanje parametara pokazatelja stanja vodovodnih preduzeća“ u 14 zemalja jugoistočne, istočne i srednje Evrope - Danubis, a koji sprovodi Međunarodna udruga vodoopskrbnih kompanija (IAWD) i Svjetska banka. Istakla je da su mnoge jedinice lokalne samouprave uključene u ovaj projekat.

Naglasila je da je planirano Potpisivanje memoranduma o razumijevanju između Saveza, Međunarodne asocijacije vodoopskrbnih kompanija (IAWD) i Svjetske banke u svrhu realizacije projekta "Platforma za prikupljanje parametara pokazatelja stanja vodovodnih preduzeća u BiH – Danubis", te da je potrebna saglasnost Predsjedništva Saveza za potpisivanje istog.

Dodala je da bi se aktivnosti na projektu provodile u saradnji sa Udruženjem poslodavaca komunalne privrede u Federaciji BiH, da bi finansijska sredstva u prvoj i drugoj fazi projekta bila obezbjeđena od strane Svjetske banke, dok bi za nastavak rada platforme bilo potrebno obezbijediti učešće sredstava.

Predsjedništvo Saveza je dalo saglasnost za potpisivanje Memoranduma o o razumijevanju između Saveza općina i gradova Federacije BiH, Međunarodne asocijacije vodoopskrbnih kompanija (IAWD) i Svjetske banke u svrhu realizacije projekta "Platforma za prikupljanje parametara pokazatelja stanja vodovodnih preduzeća u BiH – Danubis".

Nakon konstatacije da su sve tačke dnevnog reda iscrpljene, Ivan Vukadin je zatvorio Šesnaestu sjednicu Predsjedništva Saveza u 14. sati i 10 minuta.

Zapisnik sačinila:
Selma Fišek

Predsjedavajući sjednice Predsjedništva Skupštine Saveza
Ivan Vukadin, s.r.